

Protocol no. 7
Sezzüda da mardi, 21 favrer 2012, 13.30 – 16.30

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Claudia Luppi (protocol)

Protocol

Il protocol no. 6 da la sezzüda da marcurdi, 15 favrer 2012 vain approvà.

36 021 FABRICA
Fam. Ganther-Reinalter – Abitaziun nouva, Plazzetta 19 A

Sün dumonda da la famiglia Ganther-Reinalter da pudair fabricar ün'abitaziun nouva i'l tablà cun lobia dubla ed üna lucarna, sco eir da pudair far ulteriurs müdamaints interns decida il Cussagl cumünal, in assenza dal schef da fabrica sco architect dal proget, da conceder il permiss tenor la dumonda da fabrica. La taxa da trattamaint sco eir las taxas d'attach as drizzan tenor l'art. 9 e l'art. 14 dal reglamaint da taxas dal cumün da Sent.

37 021 FABRICA
Fam. Bommer-Scherer - Renovaziun Chasa, Il Fuorn 230

Sün dumonda dals conjugals Bommer-Scherer da pudair renovar la chasa e fabricar oura il tablà, sco eir da pudair far fouras geotermicas decida il Cussagl cumünal da conceder il permiss tenor la dumonda da fabrica. Avant l'execuziun da la restoraziun da la fatschada ha da gnir contactada la cumischiun da fabrica. La taxa da trattamaint sco eir las taxas d'attach as drizzan tenor l'art. 9 e l'art. 14 dal reglamaint da taxas dal cumün da Sent.

39 217.503.06 Sanaziun chasa da scoula
Dumonda da princip a regard prosequimaint

Il schef d'infrastructura orientescha al Cussagl cumünal sur dals differents pas chi han gnü lö daspö l'on 2008 a regard la sanaziun dal stabilimaint da la chasa da scoula. Siond cha la fatscheda es gnüda iniziada amo da l'anterior Cussagl cumünal giavüscha il schef d'infrastructura ch'al Cussagl cumünal actual as exprima sur da la fatschenda, impustüt eir in vista a las discussiuns da fusiuns, e ch'el definescha il prosequimaint illa chosa. Il Cussagl cumünal es unanim da l'avis cha in princip, independent d'eventualas fusiuns, saja da mantegner tant co pussibel la scoula in cumün. As basond sün quista posiziun fundamentala decida il Cussagl cumünal da proseguir cul proget da la sanaziun da la chasa da scoula.

40 012.318.02 Proget fusiuns
Dumonda da princip a regard proseguimaint

Il capo orientescha al Cussagl cumünal sur dals pass chi han gnü lö l'on passà a regard il tema fusiun dals cumüns. Per pudair tour part al proget da fusiun vaiva l'anterior Cussagl cumünal dat liber l'import da fr. 10'000-- sco contribuziun iniciala per pudair surdar l'incumbenza per ün proget ad ün perit per fusiuns da cumüns. Ils cumüns interessats vi d'üna fusiun Ftan, Scuol, Sent e Tarasp han tschernü la fin da l'on passà il büro fiduziari specialisà Zanetti Treuhand ad Igis per l'elavuraziun e l'accumpognamaint dal proget. Intant ha fat eir il cumün d'Ardez la dumonda da partecipaziun vi dal proget. Siond cha'l capo ha survgni l'invid per la prüma sezzüda in connex cun l'elavuraziun dal proget da fusiuns dals tschinch cumüns interessats, vules el savair che posiziun dal Cussagl cumünl actual ch'el vess da rapreschantar illa sezzüda. Il Cussagl cumünal es in princip da l'avis cha'l cumün da Sent dess as participar eir in avegnir vi da las trattativas e vi dal proget da fusiun.

L'actuara: